



Tunup sineriaani qilalukkanik qernertanik kisitsinissap piniartunik piffinni ilisimasaqarluartunik peqataatitsisup 2022-imi aallartinnissaa pillugu Naalakkersuisut peqquneqarnissaannik Inatsisartut aalajangiiffigisassatut siunnersuut.

(Inatsisartuni ilaasortat Harald Bianco aamma Knud Mathiassen, Inuit Ataqtigiit)

Naalakkersuisut Nunatta kangiani qilalukkanik qernertanik piniartut ilisimasaannik atuilluni kisitseqqissaqqullugit peqquneqarnissaannik inatsisartut aalajangiiffigisassaattut siunnersuut. Kisitseqqissaarneq siunissami nunatta kangianut pisassiisarnermut tunngaviliissaaq.

(Inatsisartuni ilaasortaq Lars Poulsen, Siumut)

Akissuteqaat (Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

Ittoqqortoormiini Tasiilallu eqqaani qilalugartassat qernertat siunissami pisassiissuteqartarnissaq pillugu apeqquteqaat aallaavigalugu oqallisissiatut siunnersuut

Inatsisartunut ilaasortaq Emanuel Nûko, Naleraq

Siullermeerneqarnera

Siullermik Naleqqammit siunnersuuteqartut sisamaasut Harald Bianco aamma Knud Mathiassen tamarmik inuit ataqtigiinniit taavalu Lars Poulsen Siumumiit tamarmik taakku pingasuullutik tunumi qilalukkat kisinneqarnissaannik siunnersuuteqartut taamatullu Emanuel Nûko, Naleraq siunnersuutigalugu Ittoqqortoormiini Tasiilallu eqqaani qilalugartassat qernertat siunissami pisassiissuteqartarnissaq pillugu apeqquteqaat aallaavigalugu oqallisissiatut siunnersuut saqqummiullugu.

Oqaluuserisassat taakku pingasuusut ataatsikkut oqaluseerisassanngortinneqartut Naleqqamiit imatut oqaaseqarfigissavarput.



Naalakkersuisuniit tunumi qilalukkat qernertat kisinneqarnissaat siunnerfiit ilaattut allartinnermini siunnerfiginerini siunnersuutit akuerineqassasut sulianut aallartereersunut ilaatillugit ilanngunneqarnissaat akissuteqaatiminni saqqummiuppaat, tassa soorlu Naalakkersuisooqatigiit aningaasanut inatsisissamut 3 millionit qulaatilaarlugit aningaasalersorneqarnissaat siunnersuutaanni ilaareersut takuneqarsinnaareerput Aningaasani Inatsisissatut siunnersuummi.

Taamaammat Naleqqamiit siunnersuuteqartut siulliit pingasuusut Inuit Ataqaatigiinniit aammalu Siumumiit Naalakkersuisut anguniareerlugu aningaasaliiffigisussaammassuk taamatullu pinngortitaleriffik kisitsinissaminik piniartut peqatigalugit ingerlatsinissamik nalunaaruteqarmata Naleqqamiit naammagisimaarlutigit tapersorsoratsigit oqaatigissavarput.

Qilalukkanut ilisimasat annertunerusariaqartut isumaqarpugut imartarput annertoorujussuaq tunumi qilalukkat taama ikitsigisut pisarineqartarneranni piniartut piniarlugit nungussinnaagaat oqariartuutaasartuq sooruna upperineqartuortoq?